



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«10» 08 2018 թ.

No _____

ք. Երևան, Ա. Դավթի 87Ա

ՈՐՈՇՈՒՄ N 2157-Ա

ՉԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետի ժ/պ Ն. Ավանեսյանս քննարկելով ֆիզիկական անձ Նարեկ Սեյրանի Ստեփանյանի վերաբերյալ վարչական վարույթի նյութերը

ՊԱՐԶԵՑԻ

Համաձայն ՓՀՎ ՀՏՎ վերլուծության թիվ 1 բաժնի կողմից տրամադրված հարկային պարտավորությունների հաշվարկման վերաբերյալ տեղեկանքի ֆիզիկական անձ Նարեկ Սեյրանի Ստեփանյանի (ՀԾՀ՝ 3812880617, հասցե՝ ք. Երևան, Շենգավիթ, Շարուրի փ., 26 շ., 16) հարկային մարմնի կողմից վերահսկվող եկամուտների գծով չկատարված պարտավորությունը 20.06.2018 թվականի դրությամբ կազմել է 31.241 ՀՀ դրամ, որից ապառք՝ 20.004 դրամ, տույժ՝ 2.235 դրամ, տուգանք՝ 9.002 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ ֆիզիկական անձ Նարեկ Սեյրանի Ստեփանյանի չկատարված հարկային պարտավորությունները գանձելու վերաբերյալ վարչական ակտ ընդունելու նպատակով, որի մասին վերջինս 27.07.2018 թվականին պատշաճ կերպով ծանուցվել է/փոստային ծառայության միջոցով/, վճարումներ չի կատարել, չի ներկայացել վարույթի նյութերին խնդրանալու համար և նշվածի վերաբերյալ որևէ բացատրություն և/կամ/ առարկություն չի հայտնել:

Համաձայն ՀՀ ոստիկանության <<Ճանապարհային ոստիկանություն>> ծառայության կողմից ստացված օտարված տրանսպորտային միջոցների վերաբերյալ տեղեկությունների Նարեկ Սեյրանի Ստեփանյանի կողմից 2017թ. ընթացքում 2 անգամ իրականացվել է սեփականություն հանդիսացող նույն տեսակի գույքի /թեթև մարդատար ավտոմեքենա/ օտարման գործարք, որը համաձայն իրավահարաբերության պահին գործող <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի <<բ>> ենթակետի համարվում է ԱԱՀ-ով հարկվող գործարք:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը **ԱԱՀ-ի** գծով կազմում է **31.241** դրամ, որից ապառք՝ 20.004 դրամ, տույժ՝ 2.235 դրամ, տուգանք՝ 9.002 դրամ, որն առաջացել է Նարեկ Սեյրանի Ստեփանյանի կողմից 2017 թվականի 4-րդ եռամսյակի ընթացքում շարժական գույքի օտարման կրկնակի գործարքի արդյունքում և տվյալ գործարքից բխող հաշվարկը օրենքով սահմանված ժամկետում հարկային մարմին չներկայացնելու, հարկային պարտավորություն սահմանված ժամկետում

չվճարելու հետևանքով ՀՀ հարկային օրենսգրքի 401-րդ և 402-րդ հոդվածների համաձայն հաշվարկված տույժերից և տուգանքներից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր և տուգանքներ:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և հասարակական կարիքների բավարարման նպատակով Հայաստանի Հանրապետության պետական և համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն ՀՀ Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 398 հոդվածի 5-րդ կետով, «Հարկային ծառայության մասին» ՀՀ օրենքի 4-րդ հոդվածի 9-րդ մասով, ինչպես նաև «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. Ֆիզիկական անձ Նարեկ Սեյրանի Ստեփանյանից գանձել 31.241 ՀՀ դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել ֆիզիկական անձին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏԻ Ժ/Պ



[Handwritten signature]

Ն. ԱՎԱՆԵՍՅԱՆ

Ստացա որոշման օրինակը

ստորագրություն

հարկ վճարողի/կամ ֆիզ. անձի/ պաշտ անձի անուն ազգանուն

ամսաթիվ